

欽定剿平三省邪匪方略

正編

白
九

欽定剿平三省邪匪方略正編卷二百八十二年辛酉

十一月初一日

甲戌

額勒登保奏言查李彬股匪

經臣

一路官兵截回後連夜向東南逃竄由蒼

溪之大石坎龍山一帶竄向巴州之恩陽河亡

命疾走

臣

派令遊擊劉健標王兆龍等酌帶鄉

勇五百名躡蹤前進杜其折竄之路

臣

與楊遇

春及馬步兵勇取道甌子壩桑樹壩一帶顧定

西北由捷徑抄擊十五日趕抵恩陽河接見總
兵田朝貴據稱勒保派令探剿李彬股匪連日
由巴州一帶取道前來昨至恩陽山正遇賊匪
由黃栢河竄出田朝貴率兵迎擊斬獲數十人
賊衆竄上獅子頭山梁田朝貴帶兵搶上不料
該匪分爲兩起竄伏趁我兵前起追上山梁時
後起之賊由溝中突出擾敵鍋帳後隊我軍將

弁兵勇竭力抵敵攪殺一處田朝貴一面分兵
在山上抵禦一面帶兵轉回奮力殺賊十數名

將賊擊退該匪向山後趕上前股之賊同向

青龍坎一路竄去臣深爲焦憤查探該匪距我

兵已有二百餘里卽率同楊遇春等由江口板

廟場緊顧北面每日趁月色起營兼程追剿十

八日晚間抵雷公坑探知賊匪在達州屬之劉

家壩屯紮相距五十餘里臣遂飭官兵等於山

後潛地紮營畧爲食息卽於二更時發兵令楊

遇春帶同副將蕭福祿叅將劉維馨吳廷剛等

率領兵勇由右面之白山寨周家岩小路抄至

劉家壩後山臣督率副都統銜全德侍衛捫欽

保副將張瑗叅將唐文淑特依順保遊擊祝廷

彪等帶領馬步兵勇由左面沿河岸前進五更

時趕抵劉家壩賊匪正在起竄兩路兵勇一齊

衝殺立斃賊匪二百餘人賊勢大潰分路奔逃

一股千餘人由北面遁去楊遇春率同張瑗特

依順保等帶領馬步兵勇跟蹤追殺一股千餘

人向東面逃竄

臣

督率蕭福祿劉維馨吳廷剛

等奮力追趕該匪翻越熊家灣山梁我軍前隊

由旁路橫衝而上將該匪截爲兩股蕭福祿吳

廷剛等帶領兵勇追殺前股其後股數百人驚

慌回竄正值臣帶領後隊官兵趕到遂督飭侍

衛歡格佐領綽卜通阿甲兵德昌等鎗箭齊施

併力衝殺殲斃數十人前隊叅將吳廷剛都司

劉元明外委翟廷書分帶兵勇折回來攻殺賊

二百餘名生擒八九十名內有賊目魏中均苟

朝萬先鋒王士元趙世佐朱珍及李彬之師王

廷棟等六名臣因追殺緊急飭將魏中均等六

人捆押其餘當俱砍斃尙有賊匪一百數十人

翻山奔逃臣飭令蕭福祿等分帶兵勇覓路抄

殺臣復帶兵緊追至一山峽中擒斬百餘人有

賊目王朝富帶領十三人棄械跪地投誠臣派

兵管押仍督師追剿前面奔逃之賊該匪已由

關爺廟馬渡關向東逃遁湯遇春等官兵由淺

壩場尖山寨追剿前進沿途亦斬獲一百餘人
賊匪竄至大寨門山梁恃險抗拒張瑗等帶兵
奮力上攻張瑗手射數賊賊匪持矛攢刺戳透
綿衣張瑗拔刀將賊矛格斷楊遇春督兵鼓勇
競進搶上山梁賊匪潰敗復追趕三四十里殺
賊二百餘人生擒一百二十餘名內有偽總兵
唐世禮鮮士得朱九青鄧天培何順等五名楊

遇春於日暮時仍收兵與臣會合統計殺賊六

百餘名生擒及各處搜拿賊匪五百四十二名

滾崖跌斃及逃散者甚多獲騾馬三百餘頭匹

刀子旗幟七百餘件並有道員劉清所帶新勇

李元受孔傳世等臨陣喊叫投出苟能新龐思

聰蒲新堂等十人一併帶送到營臣將各匪逐

一查訊據魏中均唐世禮等十一名供稱俱係

通巴一帶民人與冉文儔一同起事自冉文儔冉添元死後推冉添泗王士虎李彬爲元帥王恒爲老掌櫃我等多是頭目充當總兵先鋒王士虎冉添泗向與李彬分爲兩股自王冉二人被官兵擒獲後餘匪七八百人與李彬合夥共有二千數百人前蒙招撫亦有逃出之人我們自知情罪重大未敢出投且因李彬防範嚴緊

不能脫身想要逃往陝西經官兵截回大衆商
議祇可往東鄉太平一帶山林內躲避不料官
兵追趕今日皆被擒拿李彬不知從何處逃走
等語臣卽飭將魏中均唐思禮等十一名凌遲
處死其餘燕成美任中魁等三百七十八名均
係積年矛手並有他股內剿散附入李彬王冉
股內之人概行正法其王從治等男婦一百五

十三名口訊明實係被脅未久均交道員劉清
分別安置所有棄械投出之王朝富苟能新等
二十三人卽欽遵

諭旨釋放亦交劉清妥爲安插此次我軍與賊接仗
弁兵鄉勇內受傷者十數名各弁兵鄉勇晝夜
奔馳奮力追剿甚屬艱辛臣已查明擒殺賊目
賊匪出力之人分別賞給銀鏢銀牌以示鼓勵

查李彬股匪經此次痛剿之後人數已殲擒過
半緊要賊目多被斬殺惟首逆李彬尙未就縛
殊深憤恨現在該匪所存不過千數人向松林
菴火阡河遁入東鄉太平界內臣督同楊遇春
已由方山坪追抵城隍廟惟有鼓勵官兵勉力
趕剿以期剋日掃蕩現據總兵田朝貴報到十
四日在黃栢河打仗遊擊賽尙阿都司七十三

孫斯禮守備張雲鳳陣亡弁兵鄉勇死傷共數

十人臣前於恩陽河見該鎮人尙勇幹所帶兵

勇亦皆強健此次因未探明後起賊隊以致首

尾未能兼顧雖畧有挫折尙屬可用現在勒保

又添派貴州官兵三百餘名與之歸併統計兵

勇已及二千名不爲單弱臣現飭該鎮將兵勇

妥爲整頓並飭川北道李鉉添補鍋帳仍令田

朝貴速卽帶赴廣元一帶剿辦魏逆等股零星
餘匪再查慶成前在寧羗之乾溝河截剿賊匪
兵勇於霧雨中被賊衝突維時有遊擊和什布
未經回營因無實在下落是以未卽具報茲據
慶成呈稱現已派人將和什布屍身尋獲實係
於打仗時被賊矛連戳數傷跌入崖下殞命相
應據實奏

聞

額勒登保又奏言竊原任陝安鎮總兵柯藩前

因防守山陽染患痔疾未能擊賊經

臣

叅奏革

職枷號嗣因

臣

察知柯藩平日帶兵尙屬有方

興安紫陽一帶民人甚爲愛戴復經奏懇

天恩准令釋枷効力自贖又原任巴里坤總兵德忠

去秋因賊匪竄過所管汛地奉

旨革職拿問經長麟審明該鎮因所帶兵單尙無縱
賊遷延情事

恩准留營効力又原任延綏鎮總兵關騰因防守江
岸賊匪分股由茶鎮過江奉

旨革職拿問經臣審擬請將關騰發往伊犁効力贖

罪奉

旨暫留軍營作爲兵丁効力查柯藩自蒙

恩釋枷以後臣派令於平利安康一帶帶領鄉勇截

剿德忠於南鄭一帶防守邊境關騰現於西鄉

一帶截剿各該員仰蒙

皇上宥過施仁自新有路一載以來感激奮勉於防

剿處所隨時搜緝殲殺竭盡心力並無疎懈查

從前當剿賊喫緊之際一有疎忽臣不得不嚴

叅示懲今各該員皆能奮勉臣亦不敢少有拘

泥且念該員等自元年帶兵出師日久向曾著
有微勞去歲賊勢本屬鷓張或因賊衆兵單或
因地方遼濶先後獲咎其情節均非有心貽誤
現已自備資斧効力年餘雖該員皆係滿洲世
僕情殷自効若竟終身廢棄亦無以遂其犬馬
之忱合無仰懇

聖主逾格恩施俯准將柯藩德忠關騰皆以叅將遊

擊二項酌量補用如蒙

俞允則該員等感戴

鴻慈於陝境防剿事宜自必倍加出力臣現在川境

亦可放心且各該員年力尚壯曾任鎮將大員

諸事較爲厯練日後於操防營務更屬有裨均

奏入

上命軍機大臣傳諭額勒登保曰此次李彬股匪在

達州之劉家壩屯聚該匪一聞官兵趕到卽分東
北兩路奔竄額勒登保派楊遇春等由北面緊追
額勒登保親自帶兵由東面追剿兩處先後斬獲
一千一百餘人並生擒賊目魏中均僞總兵唐世
禮等所辦俱好此股賊匪原不過二千餘人現經
額勒登保分路夾擊斬獲過半所存不及千人額
勒登保等惟當上緊剿辦將李彬一股剋日肅清

俟捷音馳到卽當加以恩賞其投出之苟能新等
均係久經從賊之人貸其一死已屬從寬祇須妥

爲安插不必再令隨營効用況此時何藉此輩力
量殺賊若令其隨鄉勇打仗形迹之間終不妥協
總宜交付好地方官如劉清方積等員妥爲安置
方爲正辦至副將張瑗被賊匪持矛刺透綿衣拔
刀將賊矛格開奮力仰攻殊屬可嘉著額勒登保

存記如該副將再有出力之處卽奏請加恩再田
朝貴因未探明後起賊蹤以致稍有挫折但該鎮
探聞賊匪竄近卽帶兵剿捕並悉力將賊匪擊退
尙屬勇往額勒登保仍飭該鎮率領原帶兵勇速
赴川北剿辦魏逆餘夥所見甚是應卽飭令該鎮
將川北一帶零星股匪迅卽蕩平勿留遺孽所有
此次陣亡之遊擊賽尙阿都司七十三孫斯禮守

備張雲鳳及前次在寧羗一帶陣亡之遊擊和什
布俱著加恩咨部賜卹

上諭內閣曰額勒登保奏巴革總兵柯藩德忠關騰
於防守邊境截剿竄匪俱屬奮勉請加恩以叅將
遊擊兩項酌量補用等語朕詳加酌核德忠關騰
二人均因賊匪於所管汛地竄越偷渡先後革職
拿問嗣經審明德忠在棧道防堵兵力過單並無

縱賊遷延情事關騰防守江岸與賊匪相隔較遠

未能兼顧其獲咎均屬可原是以僅將伊二人革

職作爲兵丁留營効力至柯藩平日帶兵雖尙出

力其在山陽防守時賊匪奔竄過境柯藩因染患

痔疾未出致任賊匪乘間奔竄其咎較重是以將

伊革職枷號俟大功告竣之後尙當發往伊犁嗣

額勒登保奏稱柯藩平素奮勇加恩將伊釋放枷

號留於軍營効力已屬格外寬宥伊等三人於陝
省防堵事宜雖皆熟悉但柯藩之咎較重視德忠
關騰應有區別卽德忠關騰亦不應遽以叅遊錄
用額勒登保所請未免過優德忠關騰著加恩以
都司補用柯藩著加恩以守備補用此三人尙俱
曉暢營伍卽交與慶成及寧陝鎮派赴各營汛防
守如果奮勉出力將來大功告竣尙當格外施恩

量加陞擢若仍前怠玩卽著提鎮等據實叅奏仍當加倍治罪

初三日丙子陸有仁奏言竊臣於九月十七日接

據探報川省賊匪二百餘人翻越老林由寧羌之卦子山白岩河竄入沔縣之茶店子一帶滋擾查茶店子逼近黑河距棧道不及二百里向爲賊匪奔竄熟習之路南山一帶前經臣竭力

督率搜捕甫經肅清刻下棧道居民紛紛復業
人烟輻輳市集如常若輩匪突然竄擾百姓必
復致驚惶且越過棧道卽入南山恐搜剿又須
時日必當扼住東北要路方可不致肆竄蔓延
而其時慶成慶溥永明所帶兵勇俱在西路堵
剿距賊蹤較遠除飛石截剿外猶恐緩不濟急
因思署涼州鎮總兵尹郎阿帶兵一千餘名現

在畧陽何家岩防堵該處與沔縣接壤尙可朝

發夕至臣隨選弁飛咨齊郎阿令其迅速帶兵

扼要截剿又恐山逕紛歧一路官兵不能攔堵

周密適通判雒昂帶領鄉勇九百餘名奉經畧

調防西鄉鍾家溝是日行抵漢江之南司渡河

地方離郡城僅一百四十里臣復差弁星夜調

回令由留壩武關西溝一帶馳赴黑河迎頭擊

剿一面飛飭防守留壩江口遊擊朱集才都司
蘭福守備史克忠等各帶現有之兵分赴要隘
嚴堵並令地方官督率寨勇隨處協剿連日探
得該匪竄至黑河因偵知棧道已有兵勇迎剿
齊郎阿亦繞截而來並經各路寨勇轟擊遂不
敢東趨卽由西北竄入畧陽之大黃院佛洞溝

一帶臣復飛飭雜昂等趕緊兜截無論在陝在

甘總須剋日剪除慶瀆現已帶兵追至黑河慶

成亦挑派兵勇入棧協擊諒此釜底遊魂斷難

久延殘喘至經畧額勒登保大兵現已移至通

巴交界督剿又紫陽境內紅崖溝一帶有零匪

一二百人經總兵汪晟帶領官兵並該處寨勇

截剿殲擒數十名餘匪情急有奔回川省之勢

又該縣尙家壩零匪一二百人汪啟亦正帶兵

剿辦其西鄉邊界賊匪出沒無定總兵張鳳等

現在分投探剿所為各路征防兵勇餉銀仰蒙

皇上賞撥兩淮鹽餉三十萬兩臣已星飛咨催令兼

程趕解來陝一面仍設法籌辦務令現在各路

軍需不致稍有缺悞再臣於南山賊匪搜剿肅

清之後誠恐尚有一二遺孽潛匿深山老林當

經嚴札地方官督率寨勇到處搜捕此內如審

係被脅難民卽隨時釋放安插其實係殺人放

火賊匪除節經經畧批令正法外茲復據整厓

縣將拿獲賊目劉二漢一名押解來漢訊係湖

北襄陽白蓮教匪前在張漢潮營內充當矛手

嗣復與伍懷志合夥殺人放火不記次數及本

年八月因賊勢零散該犯潛匿竹林卽被寨勇

搜獲臣於審明後卽將該犯綁赴市曹處斬訖

並查明出力寨勇酌量獎賞奏入

上命軍機大臣傳諭陸有仁曰昨據慶成奏接到慶
溥來信聞有賊匪一二百人由老林突出經慶溥
永明等帶兵追擊慶成又派遊擊張汝勤等前赴
黑河一帶探蹤截剿此股賊匪逼近黑河或闖入
棧道或竄往甘境均有關係連日正深懸念茲據
陸有仁奏一接探報卽選派差弁星夜馳往總兵

齊郎阿軍營令其帶兵就近馳赴該處截剿並派
通判雒昂帶領鄉勇迎擊該匪探知棧道已有兵
勇不敢東趨卽由西北逃竄不致闖入棧道所辦
甚好陸有仁著賞給烏雲豹馬褂以示嘉獎現在
賊匪已竄入畧陽地界慶溥慶成所派兵勇亦已
趕到此股賊匪卽責成陸有仁督催齊郎阿雒昂
會同慶溥等務將該匪剿除淨盡勿任他竄現在

額勒登保在川境剿賊距陝已遠陸有仁一得剿
竣捷音卽行馳奏如係該撫所派齊郎阿雜昂二
人辦竣卽屬陸有仁之功俟奏到再加恩賞至此
股賊匪係何姓名是否有小賊目在內並著陸有
仁詳細查明拿獲賊目卽在該處審辦錄供具奏
其餘紫陽境內零星竄匪並著陸有仁催令汪啟
張鳳等上緊搜剿總期陝境一律肅清爲要

欽定四庫全書
同日吳熊光奏言臣到襄後接准長齡來信十

四日探有零股賊匪竄至房縣南山苦桃園一

帶該處係屬深山老林馬匹不能行走長齡派

令遊擊王占鰲守備馬濟盛陳明等帶領兵勇

步行入山轟擊長齡督率侍衛呢瑪善雙福等

帶領馬隊赴紫竹等處抄擊兩路官兵連日俱

有擒獲該匪知官兵兜截緊急連夜由九道梁

向家壩一路西竄長齡現仍跟蹤追剿並知會

孫清元自東向西分路截擊片已札飭該提鎮

等止緊搜捕不可再有延緩奏入報

聞

及合該總兵古德安湖廣總兵劉世治帶兵

各營統兵分路截擊山後林澤四不游隊去尋敵

四日親率水師總兵劉世治率領湖南山營總兵

商四日親率水師總兵劉世治率領湖南山營總兵

欽定剿平三省邪匪方略正編卷二百八十三

辛酉年

十一月初四日

丑

德楞泰勒保奏言竊

臣

德楞

泰前將葛騰勝一起零匪剿盡並收集太平兵

馬軍裝移師西向探剿賊匪十七日據後路探

報馬鬃嶺一帶突有賊匪二百餘名竄來當卽

令溫春色爾滾蒲尙佐等帶領馬步兵勇由野

雞池趕至馬鬃嶺是日大霧彌山賊匪在山屯

聚烤火官兵乘其不備衝入賊夥一齊吶喊賊
匪驚慌四竄我兵刀矛並舉立殺賊六十餘名
生擒李大用等二十八名訊據供稱係黃白兩
號被官兵打散餘匪有二百餘人熊姓千總帶
領在山中躲避不想官兵殺來等語當將該匪
等正法餘剩零匪探已鑽入老林向紅線巖逃
去當飭防守鹽廠之都司沙念聖守備閻寬等

就近帶領兵勇搜捕務期淨盡十九日兵抵瓦

屋基探得沙陀子地方有賊三百餘人由謝家

壩老鴨岩向鄒家槽西北前竄

臣

德楞泰當令

蒲尙佐侍衛達勒精阿等帶領兵勇一千餘名

前往追剿兵至南壩場趕上賊匪殺賊四五十

名生擒梁朝金等三十二名訊明分別辦理餘

匪狂奔向三墩坡翻山逃竄蒲尙佐等緊躡追

去臣勒保自在羅村地方將賊匪剿散之後卽

督同薛大烈於十四日行抵清花溪探得湯劉

等逆已由長壩竄過後河由南壩場向榨井壩

關口坪一路奔竄勢欲遁入開縣老山當派薛

大烈等分帶官兵由金雞壩取道九打杵蕎壩

嘴七里溝雞鳴寺一帶老林向外兜截臣勒保

帶兵由雙石壩榨井壩一路緊躡跟追連日沿

途拏獲賊匪自數名至一二十名不等訊有熊
大亮等三十三名俱係被擄未久難民隨時給
與路票口糧遣令回籍其餘度向青等二十五
名俱係戰手或爲賊匪探信或係因病落後據
供湯劉等逆因官兵緊追已由楊柳池向靈官
廟翻山逃竄當將度向青等概行正法查該匪
等已翻靈官廟大山旣可句雞鳴寺雄板橙北

竄又可東走馬家營乾溪處處皆係老林若該
逆從堯城壩白馬廟南竄卽可出謝家壩自應
分兵兜剿當卽一面飛飭薛大烈速由七星溝
雞鳴寺一路剿截一面撥出兵勇一千餘名交
遊擊胡定邦唐際盛等管領由靈官廟緊躡前
進臣勒保酌帶兵勇取道桑樹坪關口坪向温
湯井一路進發扼其出山之路二十日薛大烈

帶兵由雞鳴寺行抵滿月槽詢據土人報稱早
間有賊數百過滿月槽向寒溪寺竄走薛大烈

卽督兵緊追至木碗坪趕上賊匪該匪一見官

兵不敢抵敵卽翻山狂奔我兵分投趕殺斃賊

六七十名生擒二十九名維時胡定邦等一路

兵勇亦至乾溪地方趕上賊匪數百人遂卽奮

力追殺該匪向偏寨子奔竄我兵攀援競進直

抵山頂殺賊八九十名生擒四十七名餘皆跳
崖落荒紛竄訊據兩路獲賊供稱湯思蛟劉朝
選在羅村地方被官兵殺敗尙有一千餘人騾
馬三四百頭匹走到楊柳池地方商量要到開
縣雲陽一帶東去因探得大寧現有官兵後有
官兵追來湯思蛟帶五六百人騾馬三百餘先
翻靈官廟大山往乾溪一帶逃走劉朝選帶三

四百人騾馬四五十匹在後因楊柳池官兵追
來遂翻山向靈官廟趕上湯思蛟同走不料被

官兵兩路趕殺不能合夥等供並於活賊內訊

出偽先鋒張大成探馬頭王三桂牌頭曾廷材

戰手魏老下五等三十七名一併正法其餘蕭從

禮冉王氏等三十九名口係新裹難民照例遞

籍並據探報湯思蛟剩四百餘人已由菜子壩

後坪東逃劉朝選只有二百餘人翻山西竄臣

勒保正在分兵兜剿適臣德楞泰帶兵西來於

二十二日在溫湯井會合臣德楞泰查現在三

省賊股惟李彬苟文明湯思蛟劉朝選三股賊

匪稍多其餘俱係零星散匪不成股數茲李彬

股匪經額勒登保親督官兵來川剿辦連得勝

仗痛加斬獲想不日可以殲除苟逆股匪專交

七十五帶兵剿辦諒亦不致蔓延湯劉二逆分

路逃竄所剿亦只數百人臣等飛飭薛大烈帶

領原兵卽從後坪向東跟剿湯逆臣勒保帶兵

向西探剿劉逆臣德楞泰前聞大竹渠縣界上

尙有賊匪連日差探該處久已肅清並無賊蹤

此外亦無大股賊匪可剿今聞額勒登保已入

東鄉境內督剿李彬賊匪由西北向東南而來

臣 德楞泰卽自東南向西北前進旣可搜捕沿

途零匪且額勒登保追剿李逆前來又可與之
夾擊並趁此軍行相近可將現在賊勢零星渙

散情形會同籌畫另行設法搜剿并將川省應
辦善後各事宜逐一商議以期及早集事再查

原任叅將增順因上年代辦松潘鎮時所屬二

道橋營卡被賊匪竄出經正臣等叅革審明請

旨將該員重責四十板枷號軍營游示俟大功告竣
後發往伊犁充當苦差今該叅員枷號已逾一
星土載愧悔萬分自恨獲罪拘繫不能隨征殺賊屢

次具稟懇求効力贖罪臣等檢查原案增順當

聖慈賊匪攻撲二道橋之時曾經親身帶兵擊退嗣
賊匪從番地竄出距二道橋尙有十餘里且營
卡兵單力弱不能兼顧以致被賊乘間竄出與

有心退縮者有間彼時軍務喫緊之際不得不懲一儆百今該境久已肅清可否仰懇

聖慈准予踈枷令其自備資斧留於軍營隨征効力俾得自贖之處出自

皇上天恩

德楞泰勒保又奏言竊照現在賊匪情形除李苟湯劉等逆外其餘零星分散潛跡山林或二

三百人爲一起或一二百人一起並有數十人

一起者兵至藏匿無蹤兵過又潛出打撈此種

零匪必須另行籌商設法搜捕征防兵勇正可

酌量裁撤以節糜費臣等現在會同商議先將

重慶順慶忠州等處所屬州縣已經肅清之地

舊設防兵分別裁減又太平城口向有貴州銅

仁鄉勇五百名此係隔省之人駐防日久應先

道歸安業又夔州蓮花池有廣東兵丁百餘名
在彼防守日久距原營較遠擬卽先遣回營又
東三省兵丁自嘉慶二年奉調出征現有病傷
未愈及因出征日久筋力疲乏者亦應遣發先
令回營以示體恤臣等現在查明以次陸續辦
理遣回均奏入

上命軍機大臣傳諭德楞額泰勒保曰此次德楞額泰移

師西進沿途斬獲頗多勒保督率薛大烈等追剿

湯劉股匪亦有斬獲現在德楞泰與勒保在溫湯

井會合統計三省賊股惟李彬苟文明湯思蛟劉

朝選等股賊匪稍多其餘俱係零星散匪不成股

數德楞泰探知額勒登保已入東鄉境內督剿李

彬股匪自西北向東南而來德楞泰卽由東南向

西北前進兩路夾擊李逆一股定可卽日殲除惟

劉朝選一股雖有勒保剿辦湯思蛟一股雖有薛
大烈剿辦德楞泰不可膜視必須就近分兵幫助
至七十五剿辦苟逆股匪恐未必能迅速辦竣德
楞泰更應隨時量加策應看來各股賊匪勢極殘
敗卽日俱可蕝事當此功屆垂成尤不可稍有草
率現在有名賊首如李彬湯思蛟劉朝選苟文明
等股必當剋日殄除卽其餘零星夥匪皆應一律

辦淨或其中有窮蹙乞命棄械投誠者亦不過貸
其一死交與地方官妥爲安插斷不必令其隨營
効用其敢於臨陣抗拒者均當痛加殲戮以淨根
株剿辦教匪已及六年帶兵大員等辛苦備嘗經
此番戡定之後必使永無後患方爲妥善又據奏
將征防兵勇酌量裁撤此時大功將竣所有各路
原調征防兵勇正可酌量裁撤以節糜費此內撤

回東三省官兵俱由京師經過自應照前次由陝
省撤司官兵一體賞賚著德楞泰等將所撤東三
省兵丁數目及帶兵各將領姓名開列清單先行
具奏並將如何分起行走及約於何日過京之處
一併奏聞至已革叅將增順旣據查明賊匪前從
番地竄出時相距較遠不能兼顧尙非有心退縮
且枷號已逾一年著加恩准予踈枷免發伊犁令

其自備資斧留於軍營作爲兵丁以觀後效

初七日

庚辰

全保長齡奏言查楚境賊匪散竄房

竹界內惟曾芝秀及戴家營兩股兇悍詭譎人

數亦衆又時時竄近東北

臣

等熟計自應先其

所急併力逼擊再將各路零匪及分隊落後之

賊逐段搜捕自本月初五日

臣

全保在長峪河

等處將戴家營痛剿之後賊鋒大挫分股在湖

溪等處三路肆逸尙欲牽綴官兵臣全保當率

叅將孫應奉承祿德興等由玉口左右搜剿斃

賊四十餘名侍衛塔津保富翰先後帶馬隊由

獐洛河兜進搜獲零匪三十餘人訊係正賊當

卽正法臣全保以此股賊匪狡猾異常見兵卽

行分竄必須兜歸一處方可併剿十六七等日

率領孫應奉等由扁擔溝向南緊躡沿途殺賊

四五十名逃出新裏良民六十餘人亦有自行

解散者訊係川陝邊界居民逐加慰撫令其歸

業餘匪已逼抵房縣南面邊界維時曾芝秀一

股因會合王四猫夥衆又自興山邊境折至房

屬之舉人坪游奕

臣

長齡由紫竹攔往探知賊

匪已竄至古廟壩當卽率兵迎擊在二層巖地

方接仗斃賊五十餘名擒獲十二名追至宋洛

河遙見後隊賊來接應復儘力逼剿斃賊三十
餘名該匪向八卦廟南遁因派遊擊王占鰲在
該處老林左近截其逃匿一面帶領侍衛呢瑪
善向北兜截總兵孫清元副將樊雄楚等又自
東抄至沿途均有擒殺該匪大隊狂奔陰峪河
九道梁南竄又分出僞總兵劉潮福一股竄向
學堂溝將抄出官兵之後二十日官兵連夜馳

抵連湖坪正值賊衆在波屯紮一擁而進臣長

齡親率呢瑪善守備馬濟盛陳明等帶領步隊

侍衛雙福等帶領馬隊分投衝殺該匪情迫奪

路前奔追殺二十餘里共殺賊一百餘人生擒

彭德貴等三十七名立時正法賊匪遂翻山向

南路紅坪會合大股走馬鬃嶺潰逸臣等當查

戴曾二逆已皆竄邊界老荒山內有官兵分扼

嚴密斷難再向東北平行處漏越惟是房竹西

南深林邃箐中尙有零匪或係官兵打散或係

大股內分出人數不多行蹤飄忽每思闖入東

北兩面臣全保慮其互相糾合復成大隊節次

派令將弁兵勇聲東擊西前後搜捕今據報各

路時有擒殺並陸續解到陳開忠等七十二名

又都司馬相峯獲前次戕害都司陳德文之偽

先鋒徐元朝一犯當卽凌遲處死又各員招出
難民李學仁等六十六名辦理多有成效刻下
大股賊匪已在邊境自當分派官兵兼顧零匪
廓清界內而戴會賊股較大儘此兵力速剿以
期淨盡臣等揆度地勢賊情熟籌防剿計戴家
營若不入川卽繞出巴東邊界會芝秀若不入
川卽折向興山老林惟孫清元一路兵力尙不

敷分撥現因竹谿西路寧謐派令總兵王懋賞
前往督防替出吉林泰抽帶精銳兵勇會同孫
清元或分或合由房屬栢木坪冷盤壩黃連坪
至興山巴東迤邊一帶兜截臣全保督率侍衛

塔津保叅將姚國棟等在上龕獅子岩北面攔

擊兼可策應中路臣長齡督領侍衛呢瑪善遊

擊常羣等由灣腰樹一帶兜東北面攔擊竹山

北面辰令副將蔣觀濤帶兵駐劄鮑家店防剿

北竄之賊總兵德昌一路本係督防竹谿西南

川陝交界今令酌帶官兵由王家山自西而東

遇賊探剿如此更易周匝若大股折回可期分

道並進圍攻掃蕩其房竹界內現有零匪派令

侍衛富翰叅將承祿德興守備鄧興相等分帶

兵勇逐段梭巡搜殺聯絡聲勢不拘何股遇賊

卽剿並示諭各寨落團勇隨處助勢截剿計功
獎賞若全行搜盡卽令兵勇向邊界迎探以剿
作防再臣全保在獅子岩一帶距房城不遠就
近籌撥各路糧餉不虞遲緩奏入

上命軍機大臣傳諭吳熊光全保長齡曰此次全保
長齡分路帶兵督剿曾芝秀戴家營兩股賊匪節
次斬獲不過百餘人及數十人不等仍未能將會

戴兩股首逆殲擒夥匪剿淨所辦殊未愜意數年
以來川陝股匪時常竄入楚境倭什布等僅將該
匪轟出並未剿淨一股以致賊匪無所忌憚去
而復來亦不止一次楚境總未寧謐朕心實深懸
厯因吳熊光全保長齡俱曾在軍機處行走於

自_上考籌辦軍務機宜及朕指示方畧自所素悉是以將
伊三人先後簡授該省督撫提督冀其併力同心

認真剿辦肅清楚境况曾戴二股均係小股零匪

楚省現有兵力不爲不厚何難悉數殄平豈伊等

之意必欲經畧叅贊到彼辦理乎額勒登保德楞

泰二人蕩平川陝各股劇賊厥功甚偉並不在殲

此區區曾戴二逆吳熊光等轉不必存讓功之心

現在川省李彬及湯劉等匪俱係大股之賊已節

加痛剿拏日即可蕪功若吳熊光等尙不速行剗

盡楚省零匪必待經畧叅贊辦竣川賊到楚剿辦
伊等有何顏面耶所有曾戴兩股殘敗餘匪爲數
無多著責成伊三人務在楚境辦竣不得任其他
竄如能迅速在該省界內將曾戴兩股逆匪殲擒
殄滅卽屬伊三人之功朕必優加懋賞倘仍任竄
出楚境卽著跟蹤緊躡趕上剿盡其功過尙足相
抵若不能奮力追擊惟以逼出楚境了事則仍蹈

倭什布等故轍必當治吳熊光全保長齡以應得
之罪慎之

初九日

壬午

額勒登保奏言竊李彬股匪自劉家

壩等處被剿之後四散奔逃

臣

督率官兵乘勝

追剿途次有於林箐中搜獲者有自行散出投
首者每日二三十人不等二十三日我兵趕抵
草壩場黃泥嘴探得該匪由化角嶺過口場一

帶向東北奔逸有人太平清花溪之勢維時格

布舍楊芳帶領官兵正由通江一帶探剿聞臣

追剿李彬大股賊匪卽帶兵由麻啄石東溪溝

前來臣聞信卽飭令速由岩山壩冉家壩一帶

顧住北面抄出清花溪該匪聞有兵來復折向

南趨由趙堂壩修山坡一帶逃逸該處東南可

出東鄉之東林壩羅紋壩向西可出巴州之碑

子灘亮垵子石高場臣飭令格布舍楊芳蕭福

祿等帶馬步兵勇跟蹤追剿令楊遇春率同應

元寬張瑗等帶領兵勇由倒回水蠟溪壩一帶

旁路進擊臣率領侍衛將弁等由黃鍾堡觀音

阡一帶截剿二十五日格布舍楊芳等趕至石

人壩距賊五十餘里二更時乘夜發兵黎明馳

抵趙堂壩詎賊於四更時業已起竄跟蹤追出

五六十里午後至余家山起上賊匪後隊馬步
兵勇奮力衝擊殺死一百餘名生擒七十餘名
均係兇悍矛子因追剿緊急當俱臨陣砍斃賊
匪紛紛潰敗由東林壩一帶奔逃另有衝散馬
步賊匪七八十人由樊家灣碑子灘竄至蠟溪
壩正與楊遇春官兵相遇趕至亮垵子殲斃四
十餘名生擒三十五名將偽副帥朱印冉添浩

偽總兵龐學禹孔季洪張癸卯等五人一併拏
獲到營訊據該匪等供自十九日在劉家壩被
官兵殺散李彬總無不落該匪等都是副帥總
兵沿途湊合八百餘人與冉家營新充元帥冉
添璜向太平逃走昨到清花溪聽得北面又有
兵來連夜翻山向南折走要到通巴一帶找尋
李彬合夥不到到余家山被官兵趕殺纔向蠟

溪壩逃走又遇見官兵截殺跑到亮埕子致被
拏獲等供

臣

飭將該犯等五名凌遲處死內朱

印一名本係附近居民數年來率領賊衆於通

巴一帶燠碕破寨殘害居民倍爲兇惡百姓等

環視鬻割人人稱快其餘各犯皆係矛手亦概

行正法查李彬股匪經我軍節次剿殺已極敗
殘連日偵探該首逆確蹤據報帶領二百餘人

晝伏夜行由通江毛峪鎮一帶遁去急須分路

剿捕其格布舍楊芳所剿由東林壩南竄之賊

爲數不過五六百人已飭格布舍楊芳蕭福祿

等奮力追剿務將此股卽行殲除

臣

於二十七

日率同楊遇春等由通江之茨巴門一帶向西

北探剿據署通江縣知縣徐廷鈺稟報李彬一

股二百餘人于二十六日由毛峪鎮草市壩有

入南江之勢苟文明樊人傑吸匪由西鄉之九

圍子黎壩西竄巴山已近通江江之空山壩其辛

聰一股由太平竄至通江地田該縣徐廷鈺帶

領壯勇四百名及投出新勇二十餘人相機剿

撫於關溪溝梁州壩栢垭口等處或乘夜衝殺

或扼要截擊三次共斬獲一百五六十名棄械

投出者四十餘人該匪亦竄入南江地界臣隨

發往銀牌銀鏢獎賞出力兵勇仍率同楊遇春
及各將領等兼程前進二十九日由竹峪關馳

抵分水嶺扼要暫紮分投探明賊蹤鼓勵將士

竭力剿辦昨據慶成呈報痛剿楊開甲餘匪生

擒楊開甲之子楊麟生臣已酌撥賞銀交慶成

分賞出力兵勇以示鼓勵並知會慶成即將楊
麟生凌遲處死其陝境卡隘外層皆係大山密

林如有零匪潛遁不拘何股均當趕緊搜剿現

又據摠兵田朝貴稟報二十二日進抵廣元之

白馬廟探得魏姓賊匪七八百人在樊家寨天

台院等處四散屯劄田朝貴是日夜半與叅將

李芝榮游擊和欽王忠桂等三路進兵天尙未

明賊匪已將起竄將弁兵勇等奮力進擊該匪

竄上陡山恃險抗拒我軍奮力搶上山梁賊匪

潰敗由白果樹五郎廟遁去共計殺賊二百餘
名生擒男婦九十三名口兵勇傷亡數名當將
獲犯訊明從逆日久之王孫吉等五十七人立
卽正法被脅未久之民人三十六名給予路票
口糧釋放田朝貴現仍帶兵顧住西面向東南
轟擊臣亦卽發給銀鏤銀牌將出力兵勇量加
獎賞並飭令該鎮務與慶成分投剿捕諒寧厲

地界卽日可以肅清至勒保所剿湯劉股匪昨

聞已竄往開縣雞鳴寺一帶勒保由溫湯井進

剿本日接德楞泰來信自殲斃龍紹周後帶兵

由徐家壩寶塔前進途次復將龍逆分股之二

百餘人剿盡現亦由開縣境內探剿是德楞泰

一路官兵正係迎頭定可與勒保將湯劉股匪

尅期辦竣向通南前來刻下通南一帶賊匪如

李彬苟文明樊人傑辛聰姚馨佐張添倫魏迺
各帶殘匪二三百人四五百人不等於山林中
零星奔逃苟延殘喘臣惟有鼓勵官弁兵勇將
各匪趕辦完竣不日與德楞泰勒保會晤大局
可以戡定所有剿捕餘氛及善後各事臣當與
之詳晰籌商奏請

訓示至七十五日內剿賊情形未據報到刻下苟樊

等逆竄入通江未見七十五追剿前來或係已
往川陝邊界探剿崔戴股匪以顧東面亦未可
定臣已飛行查催不令稍涉遲緩

額勒登保又奏言竊查大功卽日告成所有各
股賊匪經各路大兵分投剿殺後不無零星餘
匪四散奔逃非地方官督率寨勇併力搜緝剿
撫兼施未能迅速盡淨疊蒙

皇上諄諄訓諭臣復節次通飭川陝楚地方各員一

體遵行查川境寨堡民人本甚得力此次臣由

陝入川察看情形未能如從前之踴躍因百姓

日久懈生非地方大小各員實力董率未易集

事臣月餘以來於川北一帶留心察看惟候補

道劉清率領壯勇數百人於通巴一帶剿撫兼

施節次斬獲多人招令出投者亦復不少百姓

既聽其指使而賊隊亦多有信從連日隨臣在

營臣察其辦理各事洵屬實力實心不辭勞瘁

又候補同知直隸州署通江縣事徐廷鈺臣前

歲在川時該員辦理地方糧運甚為認真現仍

始終奮勉每遇賊匪竄近縣境尤能鼓勵壯勇

或剿或撫隨時殲擒及招出解散者為數亦多

洵屬川北地方官中最為出力之員可否仰懇

聖鑒事
臣

聖恩量加獎勵俾地方大小各員觀感奮興於團勇
剿撫事宜咸知盡力辦理如有因循怠玩不知
振作之員臣亦必與勒保嚴行查叅重治其罪
再陝省寨堡事宜自臣今歲春間奏請辦理後
陸有仁派委大小官員分段趕辦曾經奏明於
完竣後分別懇

恩獎勵各該員急公趨事辦理極爲安速除司道大

員昨已仰沐

天恩交部議叙外所有丞牧以下各員其身任地方者既有董率之責其分設幫辦者亦有奔走之勞各該員於寨堡完竣後分駐各寨團集寨勇以二十寨聯絡一處遇有零賊竄近或督率搜剿或設法招徠著有勞績節經臣隨時存記今陝境雖已肅清而邊界搜緝零匪正關係要所

有前此辦理寨堡各員應擇其分外出力者先行奏請獎勵庶各該員感激倍常更知罷勉從事臣與陸有仁往返札商意見相同茲謹將此事尤爲出力者十一員開單恭呈

御覽此外尙有在事出力人員伏大功告竣時再與陸有仁會同查核分別等第酌量請

旨以勵勤勞倘經此次懇

恩之後各該員或有始勤終怠者亦卽嚴行劾叅不

敢稍存姑息再臣隨營辦事之陝西臨潼縣知

縣方載豫白臣人陝之自調派來營兩載以來

辦理一切諸凡勤慎不辭勞瘁應先恭懇

聖恩賞給五品職銜以示鼓勵

同日陸有仁奏言竊臣調派通判雒昂等帶兵

入棧堵剿竄匪連日復據探報該匪等由黑河

折竄畧陽經畧鎮齊郎阿帶兵追剿賊卽由鳳
縣之火燒關竄至關刀山二十五日慶溥帶兵
趕到遊擊朱集才亦領兵前來兩路夾擊殺賊
十餘名賊卽由留壩紫栢山一帶老林逃竄二
十六日夜復乘霧越過南星驛海青溝向東溝
一帶奔逸雒昂得信卽連夜督率鄉勇追截於
留壩黃草溝地方迎頭截擊該匪占住山梁擲

石抵拒雒昂鼓勵鄉勇奮力仰攻直搶上山登
時殺賊五十餘名並執旗賊目二名生擒三十
餘名奪獲大旗長矛數十件適都司蔣福亦聞
信帶兵趕來當復殲擒十五六名餘匪七八十
名卽由大白河一帶逃竄訊據獲犯李長脚等
供稱此股係高家營被官兵打散餘賊共有二
百餘人賊目汪少綱帶領原想到棧道秦嶺一

帶搶掠口食不料處處多有官兵賊衆人人畏懼夜半乘霧從海青溝逃來不想又遇官兵截殺汪少綱已被殺死等語雜昂等於訊明後一面將獲犯分別辦理一面卽督率兵勇探蹤搜

洗_臣當卽捐給銀牌銀兩先將出力兵勇獎賞

並諄諭雜昂等務須上緊搜剿完竣勿使一名漏網再總兵豐紳等於紫陽高橋一帶截剿竄

匪大得勝仗並生擒首逆高見奇僅逃去餘匪
數十人現在搜捕即日可以掃蕩全完又七十
五帶兵追剿苟逆股匪現入西鄉邊界所需糧
餉並各路征防兵勇分例戶現在設法供支不
敢稍有缺悞前蒙

賞撥兩淮鹽餉銀三十萬兩臣已疊次飛催務期尅

日趕到以資接濟均奏入

上命軍機大臣傳諭額勒登保曰李彬一股賊匪經
官兵屢次剿殺祇剩二百餘人晝伏夜行勢極窮
蹙其苟文明樊人傑辛聰及魏姓等股亦經官兵
分投追擊均有斬獲俱已殘敗看來大功即可告
蒞額勒登保於大局戡定後自亟思進京瞻覲祇

謁

裕陵以伸誠悃朕亦望其早赴闕廷面加慰勞當此功

屆垂成之際惟 旨以歲功完善爲重且帶兵大員
宣力在外剿賊 立功足以仰慰

先帝之靈亦不必拘定三周年內虔申展叩方爲克殫

臣子之心至伊母身故自必急欲回家補行穿孝

但一切喪葬之事早經辦畢卽亟亟回京亦已無

及額勒登保身爲經畧關係重大卽目前大功告

竣而善後一切事宜皆須一手經理况伊到京後

郎在內廷供職非加德楞泰現任四川成都將軍
不京後仍須回任可比是以前降諭旨內俟軍務

大局一定先令德楞泰來京俟其回任再令額勒
登保還朝總須自行酌量通盤籌畫實在餘匪淨
盡地方寧謐斯不負六年辛勤克全忠孝伊還朝
後可以不必再往方行起程若急圖目前完事仍
留餘孽伊甫經到京又與前往成何事體乎卽德

標秦行止亦須與額勒登保彼此商酌若尙有應
須幫辦之事額勒登保亦當奏明暫留協理不必
急於來京但不得因有此旨辦理稍涉延緩而於
迅速之中又不可稍有草率據稱湯劉二股德楞
泰與勒保可以尅期辦竣向通南前來額勒登保
不日與之會晤伊三人同心籌畫於軍務一切善
後各事或另有酌辦之處不妨據實敷陳朕摠憑

額勒登保等奏到大局戡定卽降旨論功行賞宣
諭中外佇盼捷音卽至現在賊股較大者如湯劉
李彬樊苟五股卽每股俱以五百人核計亦不過
二千五百人加之零星不成股數賊匪亦不過三
千餘人此時各路大兵雲集軍威壯盛剿此殘敗
餘匪自可尅期蕝事並著額勒登保將現在賊數
究有若干果否可於冬至月內奏報戡定之處據

實具奏以慰厯注至七十五追剿苟逆股匪前據
德楞泰奏到時朕恐其未必卽能辦竣會降旨令
德楞泰隨時策應今摺內稱樊苟等逆竄入通江
未見七十五追躡前來或已往川陝邊界探剿崖
戴股匪等語戴家營股匪昨據全保等奏在楚省
邊境截剿得有勝仗並未竄往川陝邊界而本日
陸有仁摺內則稱七十五現在西鄉邊境逼剿苟

逆著額勒登保查明如七十五因沿途另遇他股賊匪帶兵截剿尙無不是不必搜求若有逗遛落後情事卽應據實叅奏不可姑息又據保奏軍營出力人員具見公當現已分別加恩此內如候補道員劉清平日官聲甚好民情愛戴人所共知此次業經賞還花翎大功告竣後尙當格外加恩其餘各員一經保奏無不立予恩施無非鼓勵地方

官令其幫同帶兵各員速蘇大功額勒登保應傳
知伊等益當感奮勉圖奏績再應撤官兵已據額
勒登保等陸續酌遣其鄉勇一項隨征已久其中
自有傷病不能得力之人額勒登保亦應會同川
陝楚督撫查明酌量減撤以節糜費歸入善後事
宜辦理

上又命軍機大臣傳諭陸有仁日前據陸有仁奏報

有不知姓名股匪二百餘名在黑河奔竄經該撫
派令兵勇截回畧陽地界當經降旨飭交該撫將
此股賊匪速行剿淨並向軍機大臣論及此股必
係高家營剿敗餘匪正在懸盼適陸有仁奏稱截
剿奔竄股匪已獲勝仗卽日可期殲盡並訊據獲
犯供稱果係高家營被官兵打散之賊此次該匪
由鳳縣向東溝一帶奔逸佔住山梁擲石抗拒雒

昂鼓勵兵勇奮力仰攻共殲擒一百餘名頗爲奮
勇陸有仁於初聞信時卽派員前往迎擊調度悉
得機宜統俟此股辦竣將該撫與維昂分別加恩
其剿剩餘匪僅止七八十人陸有仁務當督飭上
緊搜剿以淨根株日前此股賊匪竄近黑河究由
何處汎地衝出慶溥永明均係在彼防堵之員慶
溥帶兵將該匪截回復於關刀山殺賊十餘名卽

前此該匪係由慶溥汛地竄出其功過亦足相抵
倘係別汛踈防則慶溥帶兵殺賊非但無過而且
有功至永明亦經慶成咨會與慶溥同往追剿而
該撫此次摺內並未提及永明若賊匪本由永明
一路衝過是永明既不防範於前又復怠玩於後
咎實難辭著陸有仁卽速查明據實叅奏至總兵
豐紳於紫陽一帶截剿竄匪生擒首逆高見奇一

節尙未據奏到此時經畧叅贊各路大兵雲集川
境陝楚邊界祇有七十五在西鄉剿辦苟逆征兵
無多其餘祇係原在邊界防堵之兵前次所撥兩
淮鹽餉三十萬兩日內諒已解到該撫惟當搏節
供支俾無缺乏又各省捐監銀兩前令各督撫收
足十萬卽委員解京原指無事省分而言今陝省
軍務將次完竣應辦善後事宜需費正繁所有陝

省捐監銀兩准其歸入軍需項下支用但須核明
支銷數目按月具報俟將來該省辦理善後完竣
再行解京可也

上諭內閣曰川陝辦理軍務大功卽日戡定所有在
事超衆出力之地方各員自應先加獎勵四川候
補道劉清著加恩賞還花翎四川候補同知直隸
州署通江縣事徐廷鈺著賞戴花翎陝西商州直

隸州知州陳祁著以知府陞用先換頂戴原任陝

西興安府知府降補同知周光裕著加恩開復仍

以知府用陝西石泉縣知縣李樞煥著以知州陞

用先換頂戴署陝西鎮安縣事縣丞胡彬著以知

縣陞用原署陝西商州州同緣事革職留任蓋方

泌著加恩開復遇缺先儘補用陝西候補從九品

向淮著以縣丞陞用陝西候補知縣朱元炳州同

熊壩縣丞余春溥從九品張元禧王葵富俱著遇
缺先儘補用又陝西臨潼縣知縣方載豫調赴軍
營兩載以來辦理一切俱屬謹慎不辭勞瘁方載
豫著賞給知州銜以示鼓勵

欽定剿平三省邪匪方略正編卷二百八十四

辛酉年

十一月十四日

丁亥

德楞泰勒保奏言查湯逆股

匪前經官兵剿敗後只剩四百餘人向太平之

菜子壩後坪一路東逃當卽飭令總兵薛大烈

等帶領原兵跟蹤緊躡

臣

等卽督率官兵由線

壩西進探剿劉逆並沿途搜捕零匪二十六日

行抵楠木岡探報有賊匪一股一百餘人由長

春壩竄往朽木溪又另有賊匪一百餘人由北

斗坪竄向天寶寨月亮坪一帶又有二股賊匪

三百餘人由亢子漕走青林子據報劉潮選卽

在其內臣等當令賽冲阿温春蒲尙佐侍衛達

勒精阿等帶領馬步兵勇由榨井壩渡口巖一

帶探剿臣等督兵繼進二十七日探得三股賊

匪均在土黃壩合夥約共六七百人已向放牛

厥平頭山西竄查該處左通石碓窩右通南壩

官兵分路馳進途次據報賊匪在華尖壩三角

包等處屯聚知官兵分路趕剿連夜翻爆筒山

逃走臣等督催官兵抄出五寶場豐城等處馳

追二十九日抵山後塢探知賊衆屯於孫家壩

當令賽沖阿溫春帶領兵勇乘夜前進黎明趕

抵該處賊衆起行不遠我兵分馳追及其尾立

斃賊二三十名生擒黃芝武等一十九名餘賊
四散向雷家坪等處捨命狂奔我兵分投追捕
又殺賊三四十名生擒龔國士等二十七名餘
匪向黃金口遁走訊據獲犯供稱劉潮選一股

前在木碗坪地方被官兵打散二十五日在土
黃壩遇白號青號兩起各有一百餘人大家合
夥同走要想進山躲避不想官兵追殺劉潮選

就先逃走等語當將各犯分別辦理賽沖阿等
旋即帶兵緊躡前進行次官渡探得劉逆帶領

殘匪二三百人驟馬數十匹由固軍壩向葫蘆

井竄去我兵趕抵該處詎賊先已知覺翻山逃

走遂派叅將馬元等帶領步隊兵勇跟蹤追擊

賽沖阿溫春等帶領馬隊順溝抄截賊匪竄至

紅岩寨下寨勇等鎗礮轟擊我兵乘勢趕殺斃

賊五六十名賊衆紛紛丟棄騾馬攀陟馬鞍山
我兵追至半坡該匪等拒據極險陡坎憑高拋
擲亂石兵勇冒險仰攻步步進逼時馬隊官兵
已從溝內繞赴賊後賊匪遙見卽逃我兵一擁
而上殺賊一二十名賊衆向柏森坪苦子壩一
帶逃走沿途生擒男婦四十六名口訊出劉潮
選之妻王氏據供隣水縣人係被擄進營查該

氏雖係難婦業與劉潮選配合罪應擬斬且就

近監禁以備擒獲該首逆時令其識認其餘訊

出探馬頭鄒雲貴戰手祝起祥等二十八名槩

行正法餘俱照例省釋其湯思蛟一股賊匪前

由菜子壩向後坪一路東逃薛大烈帶兵跟剿

恐其竄入大寧越過陝楚邊界當卽商令副都

統銜達斯呼爾岱副總管格亨得爾副將張績

遊擊傅廷佐桂涵晉之璉等分帶兵勇取道朱家壩桃花埡一帶兜截遏其竄入陝楚之路薛大烈率領叅將羅聲臯蕭鳳來遊擊胡定邦等

分帶兵勇由小橋溝鎮口廟一路進剿該匪晝

夜狂奔薛大烈等緊躡馳追至小泥溪地方趕

上賊尾斃賊數十名生擒何海豐等二十九名

該匪竄至桃花埡正翻埡口下走適達斯呼爾

岱等見該處山勢險峻係一線盤折而上賊匪
已得地勢我兵勢難仰攻遂令桂涵晉之連挑
帶趨捷兵勇從左手覓路上山達斯呼爾岱等
仍與賊相持作仰攻之勢賊匪不虞我兵抄截
其後桂涵晉之連等帶領兵勇攀援潛上山梁
吶喊兜殺該匪驚慌四潰有滾崖跌斃者有鑽
人林箐者兩路兵勇分投搜捕生擒方文才等

十六名維時薛大烈等已帶兵趕上會合當將
何海豐方文才審訊據供湯思蛟自與劉潮選
分路後帶有四五百人竄至菜子壩原想走兩
扇門到陝西滔河躲避不料遇官兵把我們拏
住等供薛大烈訊明該犯等俱係戰手當卽一
併正法探得湯逆尙剩餘匪三百餘人逃向木
皮河一帶薛大烈等現在帶兵趕緊追剿又探

得近日東鄉白瓦溝有打散零匪二三百人竄

至達州風碛子一帶臣等現派遊擊唐際盛夏

雲龍都司王泰守備周士貴等分帶兵勇前往

剿捕至苟文明一股前由川竄陝近接額勒登

保來信該匪已經總兵穆克登布等帶兵痛剿

所剩不過數百人現由簡池壩折回通江蒙壩

塘一帶查此股賊匪前經臣等奏明專交七十

五帶兵剿辦刻下該提督行抵何處曾否接仗

未據報到臣等現又嚴催令其趕緊剿淨臣等

伏查數月來各路剿散零星匪俱係潛匿山林晝

伏夜出若以大隊兵馬跟剿未免聲勢較大該

匪等轉得聞信預竄徒勞兵力必須籌畫大局

另行設法分兵搜捕現聞經畧額勒登保督剿

李彬股匪近在通江境內臣等卽酌帶兵勇揀

赴額勒登保軍營會商大局及一切善後事宜
以期及早蒞功至此次各路追賊打仗間有陣
亡受傷兵勇容俟查明另行咨部辦理奏入

上命軍機大臣傳諭德楞泰勒保曰此次湯劉二逆
分股逃竄其湯逆一股經德楞泰等飭令薛大烈
等帶兵追躡在小泥溪地方趕上賊尾斬獲多名
餘匪三百餘人向木皮河一帶逃逸德楞泰等督

率官兵由線壩西進探剿劉逆沿途多有斬獲并
將劉潮選之妻王氏生擒該氏雖訊係被擄爲妻
但賊匪不能顧及家屬其實在窘迫可知前此如
徐添德龍紹周等逆俱係先獲其妻子該匪等不
久殄擒看來劉逆亦可卽日殲除近來賊股內惟
湯劉李苟等逆人數稍多現在湯劉二逆不過各
剽二三百人李彬股匪前經額勒登保痛剿據奏

所剩不過二三百人苟文明一股經穆克登布剿
辦亦僅餘數百人其餘更屬零星散匪德楞泰等
聞知經畧近在通江前赴該處軍營與額勒登保
面商大局並籌畫一切善後事宜所見甚是伊三
人會合後務當彼此熟商籌計除川省外陝楚邊
界上尙有剿散之匪亦不可不通盤慮及是否於
冬至月內可以戡定大局年內可以將零星餘匪

一律剿淨之處據實具奏但不可因急圖竣事致
辦理稍有草率必須確有把握蕲功完善爲一勞
永逸之計至經畧叅贊等向來聲威爲賊匪畏懼
今剩此零星餘匪自不值伊等親率大兵追剿轉
致零匪聞風竄匿伊等三人會商後卽將如何分
派將領帶兵搜剿之處先行詳晰奏聞再節據軍
營奏報各股賊數李彬湯思蛟劉潮選苟文明股

匪合之不過千餘人卽加以各股零匪諒亦不過
二千餘人並著德楞泰等將現在零匪是否祇有
此數據實查奏又聞樊人傑已經生擒不知係在
何路軍營本日德楞泰等摺內未經提及或係被
他處寨勇擒獲因路遠尙未報到亦未可定卽著
查明具奏

十五日

戊子

額勒登保奏言查李彬分股賊匪自

擒獲偽副帥朱印等後偽元帥冉添璜率領餘

黨五六百人向東林壩南竄臣一面飭令格布

舍楊芳等躡蹤緊追務期撲滅一面率同楊遇

春及將領等於分水嶺一帶探聽各股賊蹤剿

辦三十日探有一股賊匪二百數十人在黑虎

廟王家坪一帶滋擾臣飭令副將應元寬叅將

吳廷剛遊擊王兆龍等帶領兵勇由蕭家河鐵

牛灣進剿詎該匪聞有兵來連夜由栗壩東遁

適札克塔爾由西鄉取道回營於三十日行抵

中壩聞該匪竄近卽率同派留中壩防剿之總

兵張鳳副將王兆夢等帶兵截擊殲斃五六十

人生擒四十餘人該匪仍由紅花坪折遁竄向

周家溝距分水嶺四五十里臣卽令楊遇春率

同副都統銜全德副將張瑗叅將特依順保等

由石笋溝一路連夜進擊初三日天甫黎明楊
遇春帶兵抵周家溝該匪已於四更起竄向高
家河逃遁當卽帶領兵勇追出二三十里殲斃
數十人生擒賊曰龐思宇探馬頭楊應學等十
六人餘匪四散潰竄應元寬吳廷剛等帶兵亦
從趙家壩旁路追來併力斬獲四五十人楊遇
春仍令應元寬等緊躡搜捕遂將所獲之龐思

宇等縛解回營訊據供稱我係冉添泗王士虎
股內總兵自八月間被大兵衝散帶領七八十
人於通江西鄉一帶老林藏躲後來遇見張添
倫股內打散零匪並各股湊合有二百餘人近
因天氣寒冷老林內不能存身出來擄掠不料
到處有兵遂被拏獲等語當飭將龐思宇楊應
學二名凌遲處死其餘傅廷爵等十四人均係

矛手槩行正法約計此股零匪所剩不過數十人現由徐家河翻山逃逸已派兵勇跟蹤搜剿可以卽日掃除至格布舍楊芳等帶領官兵於

二十八九等日由羅紋壩一帶追剿三十日馳

抵馬鞍山距賊不遠鼓勵弁兵乘夜進剿斬獲數十人賊匪四散覓路逃逸其有奔竄不及者均於四季坪熊洞子老林藏匿格布舍楊芳等

於天明時分帶兵勇搜殺四十餘人並將李彬
之妻冉氏王士虎之妻郭氏鮮俸先之妻王氏
及各賊目妻室十數人一併緝獲格布舍楊芳
等因追賊緊急不能押帶前進於訊供後卽行
正法是日賊匪被剿窮感零星狂奔有投往民
寨經民人送到審訊辦理者亦有本係附近民
人經寨民收留者惟探得冉添璜帶領矛手百

餘人將旗幟燒燬晝伏夜行向秦家河西去意
欲尋李彬合夥格布舍楊芳蕭福祿等派令藍
翎把總陳永才帶領鄉勇二百餘人由小路石
窩場向家墳迎頭抄截格布舍等親率弁兵由
喻家坪江口進發初三日把總陳永才趕抵鎮
龍關正與賊遇當卽率勇進擊該匪竄入蒙家
寨山後林箐內格布舍楊芳蕭福祿等帶兵亦

卽趕到令兵勇四面兜圍縱火燒林賊匪於烟
火中衝突而出兵勇奮力向前將各匪斬獲淨
盡計生擒五十七名殺斃八九十人首逆冉添
璜經把總陳永才鄉勇趙貴趕上生獲經格布
舍楊芳派令陳永才解送前來訊據供稱係冉
文儔堂侄冉添泗堂弟向來充當頭領自由冉
泗被官兵拏去衆人立爲元帥與李彬合夥一

同管事昨因被官兵追殺情急大眾各自逃生
我帶領手下二百六七十人欲往通江找尋李
彬不料逃至鎮龍關兩路官兵趕來圍殺致被
拏獲等語當將該逆凌遲處死其餘所獲各犯
均分別從逆久暫立予正法釋放把總陳永才
及出力兵勇皆酌加賞資以示獎勵再穆克登
布近因患病不能動履將所帶兵勇交總兵豐

紳會同桑吉斯塔爾等於安康紫陽一帶探剿賊匪茲據該鎮稟報聞豐紳桑吉斯塔爾率領

官兵奮力截剿十月十八日在紫陽之高橋三星寨一帶將首逆高見竒生擒夥黨三百餘人

斬獲殆盡僅有餘匪十數人遁向深林已酌派

兵勇兜圍搜捕臣並聞豐紳已差人賚稟前來

係由寧廣入川道路紆繞日內尙未趕到臣現

已專差前赴豐紳處查看一面審訊高見竒確
供具報一面卽將該逆凌遲處死至格布舍楊
芳等於擒獲冉逆後卽由通江之毛峪鎮探剿
李彬股匪現據通江縣徐廷鈺稟報該匪由南
江地界折竄烏林埡張清壩一帶格布舍楊芳
帶領兵勇躡蹤緊剿相距不遠定可卽日殲除
其苟文明股匪由空山壩逃竄後現亦遁往南

江地界近據探報七十五已由通江之兩河口

平溪壩一帶追剿前去臣亦知會七十五務須

竭力專辦不可再有遲延刻下賊匪又以西北

爲重業經隨時飭知慶成慶溥田朝貴等務當

顧住邊界竭力防堵臣現已率同楊遇春扎克

塔爾等由鐵溪河至簡池壩自東向西無論何

股賊匪皆可收夾擊之效再昨接德楞泰勒保

來信現在親督官兵由官渡一帶迎擊湯劉等
逆若日內卽將該匪全數撲滅德楞泰勒保率
師西來卽可與臣面加籌商趕緊將西北一帶

之苟文明樊人傑張添倫李彬姚馨佐魏姓等

痛加剿除則大局更可及早戡定其有剿剩殘

匪派撥官弁兵勇無論深山密林上緊分投剿

捕更無難悉數蕩平再臣自接任經畧以後兩

次欽奉

恩旨頒發賞需銀共一萬五千兩臣均陸續於川陝

軍需項下調取應用今春蒙

皇上特遣使臣賫銀十萬兩到營臣查明川陝楚三

省防剿官兵普加分賞共用銀六萬四千餘兩

餘銀三萬五千餘兩臣陸續撥德楞泰軍營伍

千兩外其餘三萬兩零臣半載以來凡遇各路

生擒首逆及斬獲賊目賊匪之出力弁兵鄉勇
以及探聽賊信帶路民人應須犒賞者皆用此
項銀兩自八月以後業經動用無存臣查刻下

各股剿剩餘匪四散逃匿兵力不及逐處剿捕

必須鄉勇寨民協力殲擒乃能迅速蕝事而鄉

勇寨民非加以獎賞不足以勵其心而用其力

近來通行曉諭民勇如有擒獲一賊者賞銀

一兩有緝獲賊目者則視其賊目是否緊要分別優賞各鄉勇寨民等咸知賊匪即日蕩平旣可早靖地方更可立功邀賞均能踴躍從事陸續拿獲解營者甚多且此等本地民勇道路形勢旣所熟悉翻山越嶺尤爲趨健於搜捕事宜實可得力伏思此時各股殘匪合計已不過五六千之衆若以小費鼓勵兵勇寨民早一日緝

第...卷...
捕完竣則各路大兵即可早日凱旋所費無

多而所省實屬不少今臣不揣冒昧仍擬於陝

省軍需項下量爲調用一切仍當加意撙節不

敢稍涉繁費統俟大功告竣時臣查明動用數

目再行奏請歸欵奏入

上命軍機大臣傳諭額勒登保曰李彬分股之僞元

帥冉添璜率領餘黨五六百人向東林壩南竄經

楊芳蕭福祿俱著交部議敘並著加賞格布舍楊
芳玉搬指大小荷包又發去堪達罕搬指鼻烟壺
搬指套各十件交額勒登保分賞軍營出力員弁
以示鼓勵其生擒冉添璜之把總陳永才鄉勇趙

貴除額勒登保業加賞賚外陳永才著加恩以千
總陞用趙貴如未曾得有頂戴著加恩賞給八品
頂戴如已有頂戴著加陞一等現在李彬股匪所

剩無多且同夥之冉添璜業已就擒妻子亦被拿

獲勢極殘敗業經格布舍楊芳帶領兵勇緊躡追

剿無難一鼓殄除著額勒登保上緊督催剋期剿

淨竄盼佳音卽至昨據德楞額奏到湯劉股

匪疊經官兵剿殺所剩不過二三百人伊等聞知

額勒登保近在通江前赴該處軍營面商分派將

領搜捕餘匪及一切善後事宜想卽日定可會晤

此時各股著名之賊如李彬湯思蛟劉朝選樊人

傑苟文明張添倫姚馨佐魏姓等人數俱屬無多

且訊據獲賊供稱零匪等近因天氣寒冷老林內不能存身出來擄掠正當趁此機會趕緊搜捕淨

盡伊三人一經會合務當彼此熟商通盤籌計冬

至月內是否可以戡定大局十二月內是否可以

將川陝及楚省邊界零星賊匪一律剷淨之處先

行會銜具奏至豐紳等生擒高見奇一節已據陸

有仁奏到俟額勒登保查明高見奇實係何人拿

獲奏到時再降恩旨又七十五剿辦苟逆日久尚

未得有打仗殺賊信息今據額勒登保奏七十五

由通江一帶進剿已札催該提督不可再有遲延

是七十五之辦理遲緩額勒登保亦已看出應遵

前旨如果查有逗遛落後情事卽據實叅奏不可

因軍務將竣稍存姑息此時宜信賞必罰使人人
思奮成功在卽矣又據奏軍營需用賞項請於陝
省軍需項下量爲調用等語軍需例無賞項自福
康安辦理臺灣軍務以來始有此項軍營視爲常
例近年軍營犒賞皆係特旨頒發並不於軍需欸
下動用所以杜其牽混現旣據額勒登保奏稱大
功將次告竣所有出力之鄉勇寨民等非加之獎

實不足以示鼓勵已另由兩淮撥銀十萬兩以爲

川陝各路軍營犒賞之用額勒登保於收到後卽

分撥川陝各路軍營俾兵勇等共沐殊恩咸知感

奮至此項銀兩已諭令陸有仁於到陝後轉解額

勒登保軍營如額勒登保先向陝省預支若干兩

卽令陸有仁在此內扣除至現在額勒登保德楞

泰兩路大兵會合川省需用供億較多且蕝功在

卽經理善後費用甚繁不待勅保奏請已降旨由
兩淮撥銀二十萬兩解川應用所有川省糧餉軍
火事宜務須源源接濟樽節供支並於善後事宜

妄爲籌備爲要又據稱穆克登布現在患病不能
動履穆克登布帶兵剿賊以來頗爲奮勇前此剿
淨蕭占國張長更及殲擒首逆龐洪勝楊開甲曾
印伍懷志等屢著勞績節經加恩優敘未給世職

念其疊次剿辦有功近復因勞得病自應酌以懋
賞穆克登布著加恩賞給雲騎尉世職並著額勒
登保留心察看如穆克登布病體可以速愈自當
仍留軍營俟凱旋時一同回京如一時未能卽痊
與其在外養病不如緩程來京陛見伊係加恩在
乾清門行走之員俟到京見朕後病體痊愈自可
令回本任或屆時未愈卽留京供職亦無不可

上又命軍機大臣傳諭陸有仁曰額勒登保奏軍營
賞需銀兩擬於陝省軍需項下量爲調用等語軍
需賞項本不應作正開銷現在額勒登保咨會陸
有仁調用軍需銀兩作爲犒賞之用恐將來陝省
報銷時易於牽混是以特降諭旨令兩淮鹽政書
魯再撥銀二十萬兩迅速解陝該撫接到後將十
萬兩解送經畧軍營備賞加額勒登保業已於該

省軍需項下調用若干兩陸有仁卽照數扣除歸
還軍需欸項其餘十萬兩交該撫收用該省現無
成股賊匪存兵無多目前所辦祇係善後事宜此
時不待伊奏請又撥給銀兩隨時接濟陸有仁惟
當撙節支用毋稍浮濫

上又命軍機大臣傳諭書魯曰川陝辦理軍務大功
指日告竣一切賞項及善後事宜需用較多著書

魯卽在兩淮鹽課節省銀內動撥四十萬兩將二十萬兩解往四川交勒保收貯備用將二十萬兩解往陝西交陸有仁收貯備用務須遴派妥員迅速解交並飭沿途各州縣小心護送毋得延緩踈虞

十七日庚寅慶成奏言臣前因川陝沿邊時有零

匪出沒窺伺帶兵以次殲剿嗣慶溥永明趕剿

西奔零匪誠恐西北空虛餘孽尋蹤踵至

臣隨

自廣元關口堦趕赴板蒼壩一帶將陝境嚴密
扼堵多差偵探一有北折賊蹤卽往截剿並飛
催慶溥永明及所派將弁等帶領兵勇趕緊剿
辦旋據慶溥來信帶兵窮追至鳳縣之瓦房壩
督率弁兵殲斃賊匪三十餘人並奪獲刀矛等
件所剩餘匪不過百人向分水嶺逃竄詢係川

陝地方剿潰龍高餘匪湊合一百餘人內無大
賊目只有探馬頭彭先劉二猫等爲頭等語並
接遊擊張汝勤通判雒昂稟報探得殘匪於二

十六日四更出海清溝口奔竄棧東該員等各
帶兵勇於黃草溝麻地溝等處地方追截擒斬
數十名餘匪六七十人逃入太白河老林各路
兵勇分路抄截趕剿查此股殘匪原僅一百餘

人突出西北茲被官兵剿剩不過數十人並無
著名首逆在內慶溥等各帶兵勇分投抄截併
力剿捕又有寧陝各營汛扼截搜擒並未闖入

甘境定可卽口捕淨臣現知會撫臣陸有仁由

漢中就近飭催惟總兵永明一路兵勇行途紆
遠未必卽能趕及餘匪無幾不值徒勞多兵臣

已與陸有仁札商以西北一帶堵剿喫緊急需

兵力並札知示明帶兵撤回協堵查近陝沿邊
一帶深林密菁道路紛歧零星敗匪或倚傍山
林藏匿擄掠或往來搶劫窺伺北竄總緣上游
江水淺涸竄匪多趨西北若不趁此殲除恐湊
合復成大股均應逐一搜捕盡絕據派防毛壩
子之千總溫可稟報探得楊逆殘匪一百餘人
投入張理孟股合夥共有六七百人依傍老林

游奕該弁帶兵放哨直入大院舖老林擒獲賊
目一名散匪數名解送前來審係楊逆夥內放

鎗師傅尤老四自被官兵打散該匪夥內首逆
皆係楚人不願在川總要乘空竄往陝甘地方
令該犯扮作販客探詢官兵撤回何處等語該
犯雖非緊要頭目但打仗多次擄掠多人較他

犯尤爲可惡當卽凌遲梟示臣隨卽密派叅將

吳亨衍遊擊張奉廷挑帶精銳兵勇連夜赴川

陝邊界踞探藏匿賊蹤實力剿洗臣督率各營

卡弁兵隨時接應如有大股竄至即可併力合

剿初七日據吳亨衍張奉廷報稱帶領兵勇穿

林翻嶺偵探賊蹤總無確信追至廣元之李家

灣有往來民人傳說廣元南北江交界漢王山

環丹梁大林聚集多賊時出擄掠該將等分爲

兩路進剿初六日黎明至土地埡遇賊接仗先
後殺賊二百餘名生擒二百餘名奪獲器械甚
多詢係張魏兩股並楊逆零匪其剿剩餘匪不
過二百餘人鑽林逃奔張添倫衣帽盡皆拋棄
數賊挽拉入林免脫魏洪升領衆逃跑因遇遊
擊張奉廷之兵迎頭殺來滾跌深澗未得該逆
實在生死下落現在寨民打撈該將等卽帶兵

勇前進以期乘勝搜淨臣飛札該將等趕緊搜

捕勿使首夥一人漏網並卽派員趕往環丹梁

查明分別辦理再查上年十五日零匪一百餘

名乘夜繞林越卡西竄係遊擊王自祿所管處

所踈防業經具稟經畧核叅至現在賊勢衰殘

惟在實力搜捕臣嚴飭駐防各營卡將弁俱挑

壯健兵勇於就近沿邊探蹤協剿不得株守營

卡其出師日久老弱弁兵旣不得力查明以次
遣回各卡鄉勇內有老弱平常者亦俱隨時裁
革陸續遣令回鄉此輩遊惰性成聚集不免爲
匪散歸則自圖生計且川楚陝甘曾經賊匪蹂
躪之區居民移徙市場寂寥一經平定商販輻
輳無賴閑人謀生有路鄉勇雖多易於解散卽
情願入伍者亦多不諳紀律必須鈐束得宜

臣

併於現有頂戴之鄉勇軍功內擇其誠實出力原有身家者報明經畧量補弁兵之缺將來陝西提標添設營制鄉勇入伍卽以補缺軍功隨同營弁管轄素性服習更資得力奏入

上命軍機大臣傳諭慶成曰此次張添倫魏洪升兩股在川陝邊界遊奕經慶成派叅將吳亨衍遊擊張奉廷分爲兩路進剿先後殲獲四百餘人所辦

尙好昨額勒登保奏稱現在賊匪情形以西北爲
重業經飭知慶成等顧住邊界悉心防剿今慶成
亦稱西北一帶緊要急需兵力剿堵所奏適相符
合川境東南現有德楞泰勒保等大兵雲集足資
剿辦諒餘匪不敢奔突東南其川陝連界西北一
帶上游江水淺涸恐零匪乘間竄越關係匪輕此
時張魏兩股並楊逆餘匪所剩不過二百餘人慶

成務當督飭吳亨衍等上緊搜捕如能在該處殲
除盡淨卽屬慶成等之功倘一時未能辦竣總須
將該逆截向川境以便經畧等合兵剿辦斷不可
令其闌入陝界至永明一路兵勇前據陸有仁奏
報截剿黑河竄匪摺內未經提及永明當卽諭令
查明具奏今慶成摺內亦有未能趕及西竄賊匪
之語著卽詳查永明如果有心避賊沿途逗遛卽

當叅奏若實因道路行遠不能趕上賊匪尙無別
項退縮情弊亦當據實奏聞仍一面催令將所帶
兵勇速赴西北邊界防堵不可再有遲緩又據稱
將得有頂戴之鄉勇軍功量補員弁以資鈐束入
伍鄉勇一節自應如此辦理至遊擊王自祿踈防
越卡西竄賊匪慶成旣報經畧應俟額勒登保劾
叅到日再降諭旨

十九日

壬辰

上命軍機大臣傳諭額勒登保德楞泰陝甘四川湖北各督撫曰教匪滋事起於鄖襄自嘉慶二年春間由湖北闖入河南境內從南陽鄧州盧氏一帶竄往陝西四川後河南境內卽無賊匪至今寧謐然該省緊要地方如荆子關等處業經添設新營揀補將弁以資控馭至川楚陝三省數年以來賊

匪往來滋擾非止一處現在大功卽日告戴其繁
要隘口或有今昔異形必須添設營制聯絡聲勢
之處正應歸入善後事宜詳悉妥辦現在湖北雖
已增設提督陝西五郎雖已添設寧陝鎮總兵固
原提督現已移駐漢中但如楚省竹谿至四川大
寧陝西西鄉至四川太平東鄉向爲賊匪出沒之
所中間相隔七八百里至于餘里不等地方遼廓

官吏稀少原設營伍恐致鞭長莫及所有川陝楚三省營制如有應行增添移建之處卽應各按該省形勢妥爲酌定况自剿辦教匪以來川陝楚三省召募鄉勇爲數甚多賊平之後急須妥爲安插節經降旨令該督撫等將鄉勇情願入伍者卽令食糧不妨於原額之外酌量加增卽以此項鄉勇爲添設營伍之用至鄉勇中有曾經著有勞績賞

給六品頂戴者卽可補用千總七品八品頂戴者
卽可補用把總外委以資管束若不願入伍者亦
聽庶各該省要隘地方兵力充足而鄉勇等各有
進身之階并有營規鈐束不致流而爲匪著額勒
登保德楞泰與該督撫於籌辦善後事宜時會同
妥議具奏

臣
等謹案川楚陝三省邊境犬牙交錯跬步

皆山其間林深箐密幽險阻深而又歧途僻
逕在在可通此次教匪竄藏旋折朝東暮西
疲我兵力者數年未必不由於此我

皇上睿謨坐照地勢險夷瞭如指掌隨時

指示控制多方如湖北增設提督寧陝改設總兵均

經

勅議施行地方營伍實已永資寧輯茲因歲功在邇

復蒙

念及楚省竹谿至四川大寧陝省西鄉至四川太平

東鄉一帶爲賊匪出沒之所遼廓難稽

諭令元戎大吏各按形勢將營制妥爲斟酌且卽以

散出鄉勇安挿入伍其得有頂戴者亦俱分

別錄用仰見

宵旰運籌無微不至地利人和兼叅並得益

時措之咸宜所以奠黔黎而鞏金城者廣大悉備矣

二十日癸巳陸有仁奏言連日接據探報東竄餘

匪由太白河竄至牛尾河佛葉坪一帶經臣札

會代辦寧陝總兵事副將韓自昌帶兵趕到兩

次殲斃賊匪三十餘人餘匪由菜子坪竄至麻

地溝復經雒昂迎頭截擊擒斬二十餘人僅存

餘匪二三十人零星分散各向林深箐密之處

捨命奔逃

臣

一面飛飭韓自昌雒昂挑出趨健

兵勇分爲數路到處搜捕並傳令地方官督率

寨勇隨地截拏韓自昌人甚可靠雒昂熟悉山

內路徑且能奮勉爭先約計數日內卽可悉數

剪除至此股零匪詢係賊目汪少綱小旗首梁

永和劉二貓等帶領現據雒昂稟報汪少綱梁

永和業經殲斃其劉二貓一犯是否亦經殺死

容俟確查另行辦理至署總兵齊郎阿之兵原
派防守畧陽之何家岩爲甘省保障地方極爲

緊要現已撤回本汛又慶成永明兩路兵勇前

曾跟追竄匪入山此時餘孽搜捕殆盡韓自昌

維昂二人儘敷辦理不值再以多兵追逐且慶

溥等本係防守寧沔一帶近來廣元賊匪尙有

一二股在邊界窺伺正當防守喫緊之時臣已

就近商之慶成卽將慶溥永明仍調回寧沔邊

界分布防堵至紫陽一帶竄匪經總兵豐紳等

痛加剿殺之後所剩竄匪僅數十人臣前已飛

催汪啟併嚴飭地方官趕緊搜捕其西鄉邊界

股匪亦經逼剿出境臣仍遵

旨咨會汪啟張鳳等嚴密堵剿務須全就肅清此時

經畧已回至西鄉簡池壩就近約會德楞泰等

議善後大局所有大營糧餉及各路供支
臣竭

力湊辦不敢稍有缺悞惟淮餉三十萬兩尙未
據報起解日期約計須臘月中旬方可來陝不
日大功告成所需找發積欠及善後經費不得
不仰懇

聖恩再爲籌撥奏入

上命軍機大臣傳諭陸有仁曰此次賊匪由太白河

逃至牛尾河一帶經陸有仁派副將韓白昌帶兵
殲斃三十餘名復經雒昂迎頭截擊又擒斬二十
餘人是此股竄匪業經辦畢皆由該撫一經得信
卽派員截勦調度得宜得以剋期剿竣陸有仁著
交部議敘候選通判雒昂於此事最爲出力著加
恩遇有該省通判缺出先行補用仍交部議敘慶
溥前因高魏股匪竄入寧羗伊有統轄之責是以

交部議處此次竄近黑河之賊並非由慶溥經管
汛地逸出且伊帶領兵勇上緊跟追尙屬奮勉所
有前次交部議處之處著加恩寬免現在陝境已
無賊匪惟防堵最關緊要陸有仁札商慶成將慶
溥永明調回寧汧邊界分布守禦所辦甚是陸有
仁惟應隨時探聽賊蹤督飭防守各員認真堵截
毋使他處剿敗餘匪闖入爲要至陝省所用兵餉

無多現在需銀接濟止係言後事宜昨不待該撫
奏請又撥兩淮銀二十萬兩解陝以十萬兩爲經
畧賞需以十萬兩交該撫存貯備用茲又截留廣
東解京銀十三萬三千兩卽令解員於途次取道
河南解赴陝省帑項更爲充裕善後諸務不可徒
托空言其添建寧陝鎮營房及撫卹難民安插鄉
勇等項均係應辦之事該撫不可因帑銀寬裕稍

致糜費惟當悉心經理俾收實效

上又命軍機大臣傳諭江西安徽巡撫曰廣東商捐銀兩前據該省報稱九月分應繳銀十三萬三千兩已於十月初十日在該省起程解京計此時當已行抵江西安徽境地著各該省巡撫飛飭沿途地方官迎探此項銀兩行抵何處卽轉飭解員不必解京催令迅速取道河南逕解陝省交陸有仁

收貯備用並知會河南巡撫於餉項過境時遴派
委員小心護送

同日

上命軍機大臣傳諭額勒登保德楞泰陝甘四川湖
北各督撫曰現在軍務卽日告蕪其善後事宜內
惟安插鄉勇一事最爲緊要節經降旨令該督撫
等酌籌妥辦其如何設法安頓之處總未據伊等

詳議具奏川陝楚所募鄉勇爲數甚多伊等或身
臨前敵或分守卡隘於打仗殺賊之事習以爲常

未免桀驁難馴且自應募以後全恃官給口糧以
資生計今一旦裁撤若回籍後無業可執必致漸
流爲匪身蹈罪愆而無識之徒妄謂伊等曾經剿
賊出力今賊匪已平輒以法嚴繩伊等未免心生
缺望是以屢次諭令該督撫或酌給叛產絕產或

令充伍食糧原爲伊等預籌生計但聞叛產一項
爲數無多蓋各省匪黨皆係無藉之徒鋌而走險
其甘心從賊如龐洪勝之家產饒裕者寧有幾人
至被賊裹脅各村民其本有田產者一經散出自
必歸家各認已業且各處尙有散出難民均須安
插是叛產絕產亦豈能遍給無遺况自賊中投出
者卽屬良民此等多係無業之徒若不妥爲安撫

仍令流離失所亦恐滋生事端因思川陝楚地方
遼濶儘有官山未經開墾荒地與其爲客民佔據
何如撥給鄉勇令其自安耕作此外若有可興之
利不妨奏明辦理如川省銅鹽等項或有可以資
借謀生無礙於官而有便於民者各就該省現在
情形量爲措置總之有恒產方有恒心衣食之源
旣開則邪慝之萌自絕該督撫等務當與經畧叅

贊彼此熟商妥為籌辦至鄉勇隨同官兵剿賊日

久其中傷病者諒亦不少現在各省所調官兵其

因傷病未愈及隨征日久者均以次撤歸原伍而

鄉勇之傷病者轉未議及是官兵之裁撤者多而

鄉勇之冗食者不少殊非核實之道且有由隔省

調派隨征者此時卽應先行裁撤以節糜費並著

一併詳查妥辦